



ワ 4  
6348  
3





門 7 4  
號 6348  
卷 3

經  
庫

三國會要卷九

黃巖楊晨纂

職官

隋書經籍志有魏尚書八卷孔衍撰魏官儀一卷荀

攸撰魏晉百官名五卷御覽兵部引南齊書百官志

有衛氏官儀見衛覬本傳魚豢中外官唐書藝文志有魏

官品令一卷晉志通典鍾會傳注引咸熙元年百官名是年

裴秀議官制封爵太保鄭沖總裁建五等爵唐六典注亦引此書今以淇表為本而

參攷各書以訂正之

相國 建安二十一年魏王以鍾繇為相國文帝初以

三國會要

卷九

職官

一

昭和十二年  
十一月十日  
請求



華歆爲之如漢諸侯王之有相耳黃初元年改相國爲司徒復置中書監令並掌機密自是中書多爲樞機之任後定制置大丞相品第一官品詳通典司馬懿辭不就甘露五年復置相國

蜀丞相章武元年以諸葛亮爲之建興元年開府六年自貶三等以右將軍行丞相事旋復官及薨遂不復置

吳丞相黃武中置寶鼎元年分置左右丞相未幾復舊

魏相國官屬有相國諸曹掾屬三十御屬一又有

軍師祭酒或稱軍謀祭酒或稱軍祭酒或稱軍諮史避晉諱也凡祭酒皆以功高或久次者爲之

左右前後中軍師或單稱軍師疑史略之通典分列並第五品司直黃初後未見

左右長史左右司馬從事中郎主簿參軍

按魏武爲丞相時置徵事二人邴原有校事後改撫軍都尉

嘉平中罷見程曉傳吳右刺姦掾陳思王傳刺姦令

孫權孫皓亦有校事軍議掾高堂文學掾王觀理曹

主簿見掾屬武紀或曰法曹士曹屬韓暨倉曹屬高柔

毛玠爲東曹掾崔瑒爲西曹玠典選舉請謁不行及



議并省皆曰舊西曹為上東曹次之宜省東曹魏武知其情令省西曹

梁習

按通鑑注諸曹並有議令史

傳為西曹令

史遷為屬

又魏武時有留府長史主留事行軍長史主行營

初學記引魏武令曰自今諸掾屬侍中別駕常以月

朔各進得失紙書函封主者朝常給紙函各一

侍中武帝

紀注作治中

按晉書宣紀云帝為丞相置左右長史增掾屬舍人滿十人歲舉掾屬任御史秀才各一人增官騎百人

鼓吹十四人是丞相掾屬無三十殆司馬昭擅增之

晉書嵇紹傳昔魏武每有軍事增置掾屬青龍二年

尚書令陳矯以有軍務亦奏增郎

又趙王倫傳為相國依宣文輔魏故事置左右長史

司馬從事中郎四人參軍十人掾屬二十人

蜀丞相官屬有軍師祭酒 前後軍師 長史 司馬

從事中郎 主簿 參軍 行參軍 掾屬

東曹掾 蔣琬倉

曹掾姜維楊顛為東曹屬

典選舉李邵為西曹掾 令史 董厥由令史為主簿 賴左為西曹令史 記

室 門下督 馬忠傳丞相亮開府為門下督



周廣業云長史參軍皆命自朝廷於府主無敬府主  
出征留統府事

通鑑注云除拜為參軍事府板則行參軍蓋始於亮  
華陽國志云軍師監軍典軍政 桓温傳詔依諸葛  
亮故事甲仗百人入殿乃殊禮非常制

吳丞相官屬有軍師孫皓等傳長史鍾離掾餘無攷

按丞相軍師張悌副軍師諸葛靚見注引晉紀若張  
昭為軍師時孫權尚為車騎將軍丁奉全琮為左軍  
師朱然為右軍師皆官左右大司馬則非丞副屬官

洪表並未載

太傅太保 魏無太師初年惟置太傅以鍾繇為之後有

司馬懿後置太保以鄭冲為之位在三司上

蜀太傅 先主為漢中王以許靖為太傅後無攷

吳太傅 孫亮建興元年以諸葛恪為太傅

通典魏置太傅太保而不見官屬

宋書曰晉宣帝為魏太傅誅曹爽後置左右長史掾  
屬舍人各十人事既非常加又領兵非準例也

太尉 延康元年置以太尉司徒司空為三公皆無事希與朝政官屬有



軍師 長史 司馬 從事中郎 正行參軍 並通典

碑有尉參戰事 掾屬 東西曹餘無攷 舍人又有營軍刺姦

帳下都督 令史 晉志及宣帝紀

蜀太尉 章武三年丞相亮上言請太尉告宗廟 妃子

又唐書世系表上官勝仕蜀太尉

吳太尉 建衡三年置

司徒 黃初元年改相國為司徒 官屬同太尉 通典

蜀司徒 章武二年以許靖為司徒

吳司徒 寶鼎三年丁固為司徒

司空 魏武建國置御史大夫黃初元年改為司空

官屬同司徒 通典 有司直 杜畿傳 令史 梁習傳王思與習俱為西曹令史直日白

事

蜀 華陽國志曰蜀初闕三司之位以待天下賢人

吳司空 寶鼎三年孟仁為司空 孫休時有左右御

史大夫

通考魏司空冠綬及郊廟之服與太尉同 按晉太

尉進賢三梁冠黑介幘絳朝服金章紫綬佩山元玉

若郊廟冕服七旒元衣纁裳七章魏當同之



鍾繇傳遷太傅有郗疾拜起不便時華歆亦高年疾  
病朝見使載輿車虎賁昇上殿就坐後三公有疾遂  
為故事

晉書何曾傳云劍履乘輿  
置長史掾屬祭酒及員吏

晉書王祥傳拜太尉武帝為晉王祥與荀顛往謁顛  
曰相王尊貴今便當拜祥曰相國魏之宰相吾等魏  
之三公公王相去一階而已班列大同安有天子三  
司而輒拜人者入獨長揖

又何曾傳文帝為晉王曾與高柔鄭沖俱為三公入  
見曾獨致拜二人揖而已

魏名臣奏黃門杜恕奏曰漢故事人民病疾責之司

徒

魏武制度奏曰三公列侯門施內外塾方三十畝

御覽

魏略正始中有詔議園丘普延學士是時郎官及司  
徒領吏二萬餘人雖復分布見在京師者尚萬人而  
應書與議者無幾人又朝堂公卿以下四百餘人其  
能操筆者未有十人多相從飽食而退

崔林傳為司空封安陽亭侯三公封列侯自林始

景初



高柔傳魏初三公無事希與朝政柔曰今後朝有疑議及刑獄大事宜數咨訪三公三公朝朔望之日可特延入講論得失庶有裨益

黃初二年分三公戶封子弟各一人為列侯

魏略桓範當轉冀州牧時冀州統屬鎮北而鎮北將軍呂昭仕進在後範謂其妻曰我甯作諸卿向三公長跪耳不能為呂子展屈也

漢三公病遣中黃門問病魏晉則黃門郎尤重者或

侍中也

宋志

諸葛誕傳徵為司空世語曰誕曰我作公當在王文舒後今便為司空不遣使者健步齋書使以兵付樂綝此必綝所為

晉書石鑿傳前代三公冊拜皆設小會所以崇宰輔

之制魏以後廢

徐廣車服儀制曰太康七年詔依舊華歆拜太尉稱疾臨當大會遣繆

襲喻旨須到然後御坐

通典後漢以太傅為上公無師保而三公分部九卿太尉部太常衛尉光祿勳司徒部太僕鴻臚廷尉司空部宗正少府司農蓋多以九卿為之若天地災變



則皆策免黃初二年始罷此制

華歆傳公卿嘗並賜沒入生口唯歆出而嫁之

黃初五年五月有司以公卿朝朔望日因奏疑事聽

斷大政論辨得失

三公朝賜青綾文綺綸袴褶一方御覽引魏百官名

大司馬漢制以冠大將軍驃騎車騎之上以代太尉之

職故恆與太尉迭置不並立黃初二年以曹仁為大司

馬而太尉如故晉志時太尉大司馬大將軍各自為官位在司馬上御覽引晉公卿禮秩同

蜀先主為大司馬置前後部司馬及營司馬有掾屬延

熙二年蔣琬由大將軍進大司馬其屬官有主簿東曹

掾餘無攷

吳黃武七年置大司馬赤烏九年分置左右大司馬其

屬官無攷

大將軍東漢位在三司上魏青龍三年司馬懿自大將

軍為太尉則在三司下矣其後又在三司上司馬師為

大將軍以叔父孚為太尉奏改大將軍在太尉下宋志云後

還復舊晉志則云晉受命猶依其制次三司下後復在

上洪云曹爽表曰今臣虛閣位冠朝首太尉懿高明中正臣抱空名而處其右時爽為大將軍在太尉上蓋

非常制又云魏制大司馬或屯合肥或屯皖以備吳大



將軍每屯長安以備蜀

蜀建興十三年蔣琬為大將軍延熙元年出屯漢中開

府其屬官有司馬參軍東曹掾及主簿李密見華陽國志餘無

攷

景曜元年以右大將軍閻宇督永安

吳黃龍元年以陸遜為上大將軍諸葛瑾為大將軍後

遂並設其屬官無考

魏大司馬官屬有正行參軍通典司馬師為大將軍置掾

十人西曹東曹戶曹倉曹賊曹金曹水曹兵曹騎兵各

一人洪表據通典大將軍屬官有鎧曹以及昭為相國

足十曹之數按曹植表有鎧曹相府置中衛將軍驍騎將軍左右長史司馬從事中郎

四人主簿四人舍人十九人參軍二十二人參戰十一

人掾屬三十三人東曹掾屬各一人西曹屬一人戶曹

掾一人屬二人賊曹掾一人屬二人金曹掾屬各一人

兵曹掾屬各一人騎兵掾二人屬一人車曹掾屬各一

人鎧曹掾屬各一人水曹掾屬各一人集曹掾屬各一

人法曹掾屬各一人奏曹掾屬各一人倉曹屬二人戎

曹屬一人馬曹屬一人媒曹屬一人散屬九人凡四十二人宋



開府儀同三司

第一品

漢鄧騭為車騎將軍儀同三司魏

黃權以車騎將軍開府儀同三司開府之名起於此也

洪云魏加是官皆以本官開府蜀吳無

按漢魏之制大司馬將軍

騎吏服朱司徒騎吏服皂故將軍開府依大司馬光祿大夫開府依司徒

驃騎車騎衛將軍撫軍領軍鎮軍四征四鎮四安四平

晉志不數領軍四安四平而有上軍輔國

等大將軍左右光祿光祿三大夫

開府者皆為位從公

特進漢置魏以為加官從本官車服無吏卒

第二品位次三公

宋志云諸官加特進者從本官供給但為班位而已不別有吏卒車服

蜀志向朗以左將軍封亭侯位特進華陽國志

承以太常加特進洪云吳無

左右光祿大夫

第三品

晉制加金章紫綬者品秩第

將軍下漢置無定員多以為拜假贈贈之使及監護喪

諸卿上事魏氏轉復優重不以為使命之官其諸公告老皆家

拜此位及在朝顯職復用加之

洪云漢屬光祿勳魏時位次三公不當復屬是也劉

放孫資皆金印紫綬

按放傳先加侍中光祿大夫後加左光祿大夫金印紫綬儀同



三司遜位以裴秀咸熙中拜尚書令右光祿大夫開

列侯位特進

府見晉書

魏制三公及位從公門施行馬

通鑑注御覽引漢官儀秩比二千石不言

屬光祿勳門外特施行馬

蜀志譙周遷光祿大夫位亞九卿不與政事時訪大

義

通考魏晉以左右光祿光祿三大夫皆銀章青綬其

重者加金章紫綬謂之金紫光祿大夫

建安十八年魏國初置六卿文帝卽位置九卿 吳初

亦六卿孫休永安二年始備九卿

太常卿一人

第三品 續漢志中二千石掌禮儀祭祀

元年改太常銀章青綬進賢兩梁冠絳朝服佩水蒼玉

通典丞一人

第七品比千石 其署曹掾史隨事爲員諸卿皆然

主簿一人 第八品

蜀先主爲漢中王置太常

吳孫權初置奉常黃武四年改爲太常

顧雍傳

博士

第六品 通典員四人

魏文帝初置掌引導乘輿王公以

下應追諡者則議定之

通典云端委佩玉朝之大典必於詢度

五經博士魏十九人

第五品 晉武帝改國子博士洪云魏以五經博士爲太學



博士別置太常博士按晉志通典可見表仍列太常  
從宋志也按宋志有博士祭酒通典第五品洪又  
云蜀吳惟曰博士按後漢本有十四博士黃初五年  
始置穀梁其王朗易王肅尚書詩論語三禮左氏解  
並列學官又洪表所列諸人本書多但稱博士未  
能定為太學惟甘露元年紀稱易博士涓于俊則是  
太學仍分經其馬  
照當是書博士也

協律都尉第六品武帝  
置以杜夔為之

太樂令第七品六典注黃初中以杜夔為之有丞第九品

按夔定雅樂時有哥師尹胡舞師馮肅服養蓋樂工  
之長又有司律中郎將陳順見杜夔傳洪列武秩中

蜀周廣業云後帝增廣聲樂譙周疏

太史令第六品丞第八品中郎周宣待詔魏略太史靈臺待詔駱祿

丞第八品六典魏靈臺二丞主候望願麻望候郎  
二十人候部吏十五人又云算數小學職在太

史義和掌之魏晉以來  
多在史官不列國學

蜀景曜元年史官言景星見是蜀有太史之官

吳韋曜為太史令有丞公孫滕見郎陳苗見陸凱傳

太廟令第七品按屬官有齋郎第八品行夜督郎第九品蜀

置高廟令見華陽國志其昭吳有太廟及清廟官屬

無攷

陵令第七品丞第九品蜀無攷吳有明陵令丞奉守

園邑令丞漢獻帝紀葬于禪



太祝令

第七品

丞

第九品

掌郊社明堂祠祀

通典

光祿勳卿一人

第三品

中二千石掌宿衛門戶宮殿典謁三署郎

魏國初置郎

中令黃初元年改名無三署郎不復居禁中

漢三署各置中郎將

郡舉孝廉以補三署郎年五十以上屬五官其次分在左右署

外官朝會則以名到焉

二臺奏劾則符光祿加禁止解禁止亦如之丞一人銅

印黃綬

第七品

蜀有光祿勳吳初亦曰郎中令後改為光祿勳

見劉繇傳屬

官無攷

五官中郎將

建安中魏文帝為之置官屬以副丞相位在魏國諸臣上官屬有長史文學司

馬賊曹功曹踐阼後不置蜀有五

左右中郎將

漢五官左右中郎將領三署郎魏無三署郎猶置左右中郎將不領營也通典

領中郎侍郎郎中蜀同吳有三署郎見張溫傳則亦有之也

洪云初學記通典皆云魏無三署郎而本書有中郎

郎中未知何署官品復載之則不應無三署郎或自

晉以來始無之耳又云左或作東同右或作西同又

云南北中郎將下疑無所屬中郎等無攷按續漢志

注云漢末又有四中郎將皆帥師征伐當非宿衛之

官疑左右中郎將外別置此四官不屬光祿攷魏志



及注既有左右又有東西南北蜀亦有南中郎將惟  
官品不載左右而晉志有之官品多不可據如期門  
郎豈魏有乎攷曹爽傳注桓範為東中郎將都督青  
徐諸軍事是外職牽招傳拜右中郎將出為雁門太  
守曰出為守則右中郎將為內官可知鮑勛傳出為  
右中郎將蓋由侍中遷故亦言出至諸葛亮傳注徐  
福仕魏右中郎將御史中丞亦內官也  
華陽國志常勛為光祿郎中主事又有何隨王化此  
蜀制也

虎賁中郎將 漢平帝更名期門為虎賁置中郎將領

漢制領虎賁中郎將郎中蜀亦有之吳無攻

羽林中郎將 魏官品無按毛后傳弟曾為羽林虎賁

羽林中郎將孤劭又按漢宣帝令中郎將騎都尉監羽

林是為羽林中郎將東漢又置羽林中郎將左右監分主左

右騎魏六百石第五品見唐六典蜀有羽林右部督

見李恢傳則必有左部又有虎步監孟瑛見水經注

又有繞帳督又陸遜為帳下右部督皆典衛兵

守宮令 丞黃門令官而非宦者按文帝著令限中人

不得過諸署令則似亦用宦者蜀黃皓

為黃門令蓋依漢制用宦者矣吳無攷

掖庭令 洪表有左右丞隋書經籍志有掖

庭右丞周氏唐六典云魏非宦者

清商令 魏



令狐景為令龐熙為暴室令漢掖庭令下有暴室丞魏始置令華林

園令諸令洪皆據晉志及冊府元龜

按光祿卿續漢志五官左右虎賁羽林中郎將羽林

左右監奉車駙馬騎都尉光祿太中中散諫議等大

夫議郎謁者僕射常侍謁者給事皆屬焉自奉車至謁者以文

屬自五官將至羽林監以職屬晉志統武賁五官左右中郎將羽林

郎將允從僕射羽林左監東園匠太官御府守宮黃

門掖庭清商暴室等令

衛尉卿一人第三品掌微循事魏武建國時置蜀吳同丞一人

第七品

公車司馬令通典掌天下上章四方貢獻及徵召公車者第六品或但曰公車令省文按管甯傳云被公車司馬令所下州郡詔書則敘宮掖門

官言晉江左以來直曰公車令是也有丞宮掖門

每門司馬一人第七品魏有承明門司馬門東止車門西止車門東掖門西掖門見紀及

注洪表又列闔闔門神虎門雲龍門其闔闔門下列

滿長武按世語云長武以大將軍掾守闔闔門掖門

下亦云滿掾蓋是屯守非守司馬官也又按此衛

事見晉書荀勗傳作掾孫佑等無守司馬之說衛

士令洪云官品不見漢晉志皆有左右都候各一人

第七品有丞魏不應無特無南北宮耳晉志衛尉屬官有治令按宋志云江南諸郡縣有



鐵者或置冶令或置丞皆吳所置未知隸衛尉否也

太僕卿一人第三品魏建國時置蜀同主傳見後吳同

洪云吳初有六卿永安二年備九丞一人第七品

卿官則置太僕大鴻臚大司農也丞一人第七品

車府令主乘輿諸車有丞按通典諸考工令主作兵器及織

綬雜工有乘黃廐令漢有未央廐令長樂廐丞魏國

左右丞有乘黃廐驩廐令六典通典並典牧令

有丞按魏郡賦注云驩廐令六典通典並典牧令

鄴城西下有乘黃廐驩廐令六典通典並典牧令

通典漢邊郡置六牧牧官都尉魏置牧官都尉第六品

師令魏因之有丞魏置牧官都尉第六品

品晉志有左右中典牧都尉按六典虞都尉第六品

典注云魏置牧官都尉晉因之典虞都尉第六品

丞按曹真碑有典虞令

廷尉卿一人第三品主魏建國置大理以鍾繇為之黃

初元年改廷尉蜀有大理華陽國志吳初置大理後改

廷尉

廷尉正秩千石廷尉監秩千石廷尉平秩六百石通典魏

三官第六品吳有廷尉監蜀無攷律博士一人衛覬

通鑑注漢廷尉平魏晉平旁加言律博士一人衛覬

位覬請置律博士簿第八諸獄丞第七品傳明帝即

大鴻臚卿一人第三品掌諸侯及四方蠻夷朝貢郡國

陳思王傳景初中詔黃初時諸奏植罪狀在大鴻臚喪按

者皆削除之又吳主傳注云請免權官鴻臚削爵土魏

建國時置蜀吳同丞一人第七品

職官

三國會要

卷九



客館令

六典大行令魏改  
為客館令第七品

宗正卿一人

第三品掌敘親屬及宗室犯法

漢以皇族為之魏國始置

宗正或以他族

洪表有曹恪曹楷又有鄭表正元中以光祿勳領宗正見晉書蓋暫領是官耳

吳亦以宗室

孫楷孫奕洪云蜀承漢制不容闕丞一人

公主家令

第八品家僕 家丞 行夜督郎 並第九品

大司農卿一人

第三品掌錢穀金帛郡國計簿邊郡調度魏國初置大農黃

初元年改大司農蜀吳同丞一人銅印黃綬進賢一梁

冠介幘皂衣部丞一人主帑藏

通典魏因漢置並第七品

太倉令

主受漕穀有丞導官令 主春御米及作備有丞

典農中郎將

第六品按典農與郡國分部吏民

典農校尉

第六品典農

都尉

第七品魏武置 通典主郡縣屯田通鑑云建安元年

郡國列置田官是也

續漢志注引魏志云曹公置典農中郎將秩二千石典農都尉秩六百石或四百石典農校尉秩比二千石所主如中郎將部分別而少為校尉丞其秩蓋以郡縣大小

而咸熙元年罷屯田官諸典農皆為太守都尉皆為

令長 按棗祗稱屯田都尉倉其屬有司馬功曹綱紀

上計吏稻田守叢草吏 見鄧艾傳晉書段灼稱艾為屯田掌犢人俞理初類稿據

鄧艾傳典農下有學士幹佐又母邱儉傳注儉為征南將軍表云移三征及州郡典農各安慰所部吏民是四征將軍及郡國守相及典農各有所部吏民也裴潛傳為潁川典農中郎將奏通貢舉比之郡國



猶明之  
衛學也

司馬孚為野王典農中郎將請立沁水石門表言願  
勅大司農府結人工勿使稽延是計工由大司農所  
定

蜀呂艾為漢中太守兼領督農供繼軍糧又蔣琬傳  
有督農楊敏

吳於諸郡有屯田者亦置典農校尉統諸縣如太守  
洪表引咸淳融陵  
志宋書州郡志又陸遜為海昌屯田都尉并領縣  
事華覈為典農都尉別有節度掌軍糧蓋不隸司農

也 諸葛恪傳按顧譚傳為左節度當更有  
右注引江表傳權為吳王初置節度

度支中郎將 二千石  
第六品度支校尉 比二千石  
品同上度支都尉

六百石  
第七品魏黃初中置掌諸軍屯田 北堂書鈔御  
覽引魏略

少府卿一人 第三品掌服  
御珍膳之屬魏國初置後因之蜀同吳同

丞一人 第七  
品

材官校尉 魏黃初中置主天下  
材木第六品有司馬太醫令 掌諸醫六典  
有藥丞吳有

太醫令見御覽太官令 掌御飲食  
六典有丞上林苑令 主苑中  
禽獸有

玉匱針經序御府令 宋志典官婢作褻衣服補浣之事武帝紀  
注魏國已有之有丞吳有蔣欽傳御府為

其母作鈞盾令 鴻池苑園有丞六典有永安丞苑丞  
錦被職官



監在第九品洪分三監疑戲馬為臺觀中藏府令掌  
 名按晉志大鴻臚屬官有鄴元武苑丞中藏府令中  
 貨物有丞吳有中左右尚方令有見何姬傳注王觀  
 見孫亮傳注中左右尚方令有見何姬傳注王觀  
 傳徙少府大將軍曹爽使材官研家屋材及諸私用  
 之物觀聞知皆錄奪以沒官少府統三尚方御府內  
 藏玩弄之寶爽等平準令通典掌知物價及染有丞  
 奢放多有干求吳有見六典諸令並第七  
 品丞並第九品

執金吾卿一人第三品掌宮外戒魏建國置中尉黃初

元年改執金吾蜀吳同丞一人第七品六典崔豹古今

執金吾司隸校尉導引傳呼使行者止坐者起四人持  
 角弓違者射之乘高窺闕者亦射之魏晉設角弩而不  
 用

武庫令主兵器有丞吳有

將作大匠一人第三品掌丞一人第七品吳同薛瑊見蜀

無攷後漢有左右校令掌左右工徒宋志魏右校

右校令後漢有左右校令掌左右工徒宋志魏右校

但列右校然隋書經籍志有魏左校令李登晉志有  
 左校令無右校通典云魏并左右校於材官諸說互  
 異

京城有變九卿各居其府見王

魏略少府寺與鴻臚對門

侍中秩比二千魏置四員功高者一人為祭酒宋志云



別加官者則非數掌儼贊威儀大駕出則次直侍中護  
駕正直侍中負璽陪乘不帶劍餘皆騎從御殿與散騎

常侍對扶扶或作挾侍中居左常侍居右備問對武冠金璫附蟬左貂

絳朝服佩水蒼玉按吳孫恩為御史大夫加侍中濮陽  
興為丞相加侍中是以近侍為榮貴也樓元傳言舊禁

中主者自令親近人作之舊遷列曹尚書美遷中領護吏部尚書典通

蜀吳皆有員數無攷環濟要略云侍中入侍帷受顧問拾遺左右

散騎常侍比二千石第三品御覽引環濟要略云入侍左右出則待事於廊廡之下又引桓氏家傳

云延康元年初置散騎之官皆選親舊文武之才以為賓宴之臣東漢省散騎而中常

侍用宦者黃初初置散騎合於中常侍謂之散騎常侍

凡四員久次者為祭酒後以為加官掌規諫不典事貂

璫插右散而騎從魏略北堂書鈔又有員外散騎常侍魏末置

無員書鈔引晉諸公贊云于時公族務在閑任故置外位吳曰散騎中常侍小數

蜀亦有之通典第三品洪云居是官者無攷按蜀用宦者中常侍黃

皓吳用士人中常侍王蕃

給事黃門侍郎第五品漢與侍中俱管門下眾事無員魏

四人秩六百石晉志云及晉置員四人華陽國志常忌蜀謁者黃門侍郎吳孫承為黃門侍郎

歸命世常使記事承答顧問見孫桓傳注引文士傳又

初學記引王隱晉書顧榮舉賢良仕吳為黃門侍郎

為侍衛之官典通出入禁中近侍帷幄省尚書事六典晉書王



沈傳魏時為門下侍郎即此官蜀同吳有黃門侍郎孫繼傳注

散騎侍郎四人第五品魏初與散騎常侍同置 吳同孫峻

魏散騎常侍侍郎與侍中黃門侍郎共平尚書奏事

江左乃罷晉志宋志

華嶠譜序曰歆子表為散騎侍郎時同僚諸郎其平尚書事年少並厲鋒氣要名譽尚書事至或有不便故遺漏不視及傳書者去即入深文論駁惟表不然事來有不便輒與尚書共論盡其意主者固執不得

已然後共奏議華歆傳注

青龍三年注張茂言散騎奏臣書以聽諫篇為善帝以事付散騎是凡進書及奏事皆掌之

劉劭為散騎侍郎受詔集五經羣書以類相從作皇覽

崔林傳注文帝詔曰天下之士欲使皆先歷散騎然後出據州郡

給事中無員第五品漢置掌顧問應對所加或大夫博士議郎位次

中常侍東漢省魏復置或為加官或為正員



司馬望為護軍將軍加散騎常侍高貴鄉公性急裴

秀等居內職急召便至以望外官特給追鋒車一乘

武賁五人

晉書本傳

司馬孚為魏太子中庶子文帝即位選侍中中常侍

等官左右舊人頗諷主者便欲就用不調餘人孚曰

嗣君新立當用海內英賢猶患不得如何欲因際會

自相薦舉邪官失其任得者亦不足貴遂更他選

晉書

本傳

魏略曰舊儀侍中親省起居故俗謂之執虎子

魏文時蘇

則為侍中吉茂調之曰仕進不止執虎子

奉車都尉

漢志掌御乘輿車通典第六品

駙馬都尉

掌副馬品同上

騎都尉

掌羽林從騎品同上按三都尉魏多以為加官蜀吳同

太中大夫

通典第七品

中散大夫

同上

諫議大夫

同上續漢志凡大夫

議郎皆掌顧問應對無常事唯命所使蜀吳皆有之

議郎

通典第七品吳亦有之洪表列光祿下

袁樞曰駙馬都尉置由漢武或以假諸功臣或以加

於戚屬齊職儀曰凡尚公主必拜駙馬都尉魏晉以

來因為瞻准

陳書



曹植表言若辭遠游戴武弁解朱組佩青紱駙馬奉  
車趣得一號執鞭珥筆出從華蓋入侍輦轂承答聖  
問拾遺左右其職略可知已

黃門冗從僕射通典第六品漢志宦者主中黃門冗從居

則宿衛直守門戶出則騎從夾乘輿車屬少府洪表

勳下有冗從僕射而諸黃門上又出此官據夏侯尚

傳李豐曰卿諸人居內多有不法則非光祿所屬按

尚傳但稱冗從僕射劉賢晉書宣帝紀同無黃門二字

小黃門無員黃門諸署長文帝限中人不得過諸署黃

門署丞洪曰此官與黃門令皆中黃門以上皆黃門

從官第八品焦伯見甘露四年紀注黃門都監官品無張當黃

門監官品無蘇鑠見夏侯尚傳

洪云按諸葛亮出師表及董允傳當時宦官黃門屬

侍中之證魏晉侍中之職轉復優重二國疑皆與蜀

同

延康元年置散騎常侍侍郎各四人宦人爲官者不

得過諸署令爲金策著令藏之石室

蜀有黃門丞餘無攷

諸葛亮傳宮中府中俱爲一體陟罰臧否不宜異同



若有作奸犯科及為忠善者宜付有司論其刑賞不宜偏私使內外異法也侍中侍郎郭攸之費禕董允等皆良實志慮忠純愚以為宮中之事事無大小悉以咨之

董允傳後主漸長大愛宦人黃皓皓便辟佞慧欲自容入允常上則正色匡主後主欲采擇充後宮不聽下則數責於皓皓畏允不敢為非終允之世位不過黃門丞陳祇代允為侍中與皓互相表裏皓始預政從黃門令為中常侍奉車都尉操弄威柄終至覆國

吳有黃門

見太平二年傳注洪云孫和傳和為南陽王姬使黃門陳遷之建業上疏中宮則吳

諸王亦有黃門也按洪表小黃門下注云吳日中使但諸黃門奉使均稱中使非官名

陸凱傳高通詹廉羊度黃門小人而賞以重爵權以戰兵又曰在所監司已為煩猥兼有中使擾亂其中賀邵傳中官內豎分布州郡橫興事役競造姦利陸抗傳時有何定弄權闖官預政又曰黃門豎官開立

占募

謁者僕射

第五品宋志云魏氏謁者官屬史闕不知

掌大拜授及百官班次

為謁者臺率

晉志或監鹽官

衛凱

謁者十人

第八品

掌小拜



授百官報章

通典

或監治

蜀有謁者呂雅

景耀中見呂又傳

霍

七

冗從僕射

第五品

漢有中黃門冗從僕射非其職也魏因

其名置是官

宋志

掌散從師射事

北堂書鈔洪表列光祿下蓋依晉志

御史中丞

第四品

本居殿中察舉非法

兼掌祕書

及御史大夫

轉為司空

漢哀帝時

而中丞出外為御史臺率魏文帝初改

中丞為宮正

鮑勳傳

後復為中丞

通典

蜀吳並有中丞

按司馬懿

黃初元年由尚書遷督軍御史中丞二年罷蓋暫置見其在行馬內有違法憲者皆彈糾之雖在行馬外而司不糾亦得奏之自有中丞司隸以來更互奏內外眾

官今按晉初制令

如此魏亦宜然

治書侍御史

第六品

治或作持宣帝齋居決事令侍御

掌律令又分掌侍御史

所掌諸曹若尚書二丞

按杜襲傳為督

軍糧御史文帝時更為督軍糧執法此官亦暫置上尊號碑有督軍御史吳有監農御史見樓元傳督軍御史見朱治傳典文書而通鑑注曰督軍使者漢官也魏黃初二年罷督軍官而吳猶仍漢制孫權置節度官典掌軍糧見武侯集通鑑黃初七年吳攻江夏先遣治書侍御史荀禹慰勞邊方禹發所經縣兵及所從步騎千人乘高山舉火吳王遁走

治書執法

第六品

魏置掌奏劾

晉志

吳有中執法

是左右執

法各一人

崔豹古今注奏劾者以青布囊盛印於前非奏劾日以青囊盛印於後自晉奏劾之官以



印居前非奏劾之官以印居後

侍御史第七品魏置八人有治書曹掌度支運課第曹掌

考課餘不知也宋志吳亦有之

殿中侍御史第七品魏蘭臺遣二御史居殿中察非法大

會簪白筆側階而坐以奏不法

禁防御史第七品晉志載魏晉官品令

三臺五都侍御史第七品侯楙鎮長安亮於南鄭與羣下計議

延曰楙怯而無謀今假延精兵直從褒中出不過十日  
可到長安楙聞延奄至必乘船逃走長安中惟有御史  
及京兆太守耳此五都有御史分駐之證魏以長安譙  
許都鄴洛陽為五都三臺并指尚書符節諸臺按通典

第七品有符節御史蓋監符節臺者晉志宋志云晉武  
帝置謝靈運晉書漢尚書為中臺御史為憲臺謁者為  
外臺曰三臺魏或承漢舊也

都水使者第四品洪曰晉宋志云晉武帝置而水經注

協勒石則非晉武始置冊府元龜亦云魏有都水使者一人

水衡都尉第六品有前後左右中五人冊府按唐六典

又有左右前主天下水軍舟船器械宋志通典

河隄謁者第七品按六典後漢河隄謁者五人魏因之

揆分河隄為四部并本凡五謁者以水

功至大與農事並興非一人所周故也

都水參軍二人第七品通考云

蓋亦丞之職任

職官

職官



符節令第五品 掌授節銅虎符竹使符魏建國置別為一

臺位次御史中丞

符璽郎第七品 主璽及符漢志按御覽魏諸官印以遣官為名印斷二千石者章

將出征則授斧鉞於西堂晉書禮志云故事 蜀吳亦有之

殿中將軍一人典兵通典第六品 督守殿內朝會戎服侍

左右夜開城門執白虎幡監之

中郎將 校尉並第七品 都尉 司馬 羽林郎並第八品

殿中監第七品 掌張設監護之事衛臻傳殿中監擅收詔曰殿舍不成吾所留心卿推之何臻曰古制侵官之法非惡其勤事也誠以所益者小所墮者大也臣

懼羣司將遂越職以至陵遲矣 蜀有殿中督一名中督 吳孫皓時有宮

下鎮禁中候主殿中事見樓元傳言元從九卿持刀侍衛

杜恕傳陛下患臺閣禁令之不密人事請屬之不絕

聽伊尹作迎客出入之制選司徒更惡吏以守寺門

威禁由之未得為禁之本也俞正燮曰伊尹當是人名

城門校尉第四品此官洪表在五校後 屬有司馬第七品 每門候一人

候副一人第七品 吳亦有城門校尉蜀無攷

錄尚書事漢制每少帝立則置太傅錄尚書事猶古冢



宰總己之義薨輒罷之魏以公卿權重者為之職無不  
總凡重號將軍刺史皆得命曹授用惟不得施除及加  
節宋志蜀同或曰平尚書事馬忠諸葛瞻董厥吳同或曰領尚書  
事滕或曰平尚書事顧雍或曰分平尚書事劉基或曰省

尚書事儀是

尚書令

第三品

魏建國置冠進賢兩梁納言幘五時朝服

佩水蒼玉銅印墨綬受拜則策命之以在端右故也掌  
知選舉總典綱紀所居曰尚書臺出征則以行臺從漢  
猶隸少府魏時政歸臺閣則不復隸矣通典初學記蜀吳有

之

尚書僕射

第三品按六典秩皆六百石

服秩印綬與令同漢置一人

獻帝建安四年始分置左右魏迄江左省置無恆置二  
則為左右僕射或不兩置但曰尚書僕射令闕則左為  
省主若左右並闕則置尚書僕射以主左事晉志或時領

選曹事

毛玠傳

蜀吳但曰尚書僕射無左右

齊職儀曰魏氏重內職八座尚書任同六卿御覽魏以

許昌為留都有留臺尚書等官 吳主東巡建業亦

留尚書九官於武昌

通鑑注魏略時臺制疾滿百日當解祿



尚書

第三品 晉書魯芝傳高貴鄉公即位拜荆州刺史遷大尚書掌刑理玉海後漢尚書稱臺魏晉

為省

魏有吏部選左民後漢主吏民上書客曹主外國

五兵

領中兵外兵騎兵別度支朱鳳晉書云文帝立度

支尚書

以司馬孚為之凡五曹與二僕射一令為八座及置中書

監令

遂掌機衡之任而尚書之權漸減矣初學記引齊

曹職

右於諸曹尚書授此職者或云吏部尚書若授諸

曹直

云尚書通典又引華譚集吳亦重吏部尚書若授諸

傳車

駕嘗卒至尚書門矯跪問曰陛下欲何之帝曰欲

閣

案行文書耳矯曰此自臣職分非陛下所宜臨也若臣

不稱

其職請就黜退陛下宜還帝慚回車而返尚書

陳羣

奏婦人無分土命爵之制帝曰議是仍著定制藏

之臺

閣

蜀尚書分曹無攷

洪曰蜀承漢制疑亦置選部民曹三

吳尚書有選曹

顧譚薛綜戶曹孫休左曹濮陽賊曹薛

傳凡四曹

洪曰國山碑云尚書昏直

尚書左右丞

第六品得彈奏八座初學記按唐六典云

禁令宗廟祠祀朝儀禮制選用置吏札諸不法無所回

避右丞掌庫藏廬舍凡諸器用之物刑獄兵器又云左

右丞銅印黃綬絳朝服進賢一梁冠

尚書郎第六品魏有殿中吏部駕部金部虞曹比部南主

客祠部度支庫部農部水部儀曹三公倉部民曹二千

石中兵外兵都兵別兵考工定科晉志作定課晉書



楷為定凡二十三郎青龍二年有軍事尚書令奏置都

官主軍事騎兵合二十五曹宋志每一郎缺白試諸孝廉

能結文案者初學記引魏官儀作試五人謹封奏其姓

名以補之晉志御覽引魏武選舉令云取年未五十者

義以草呈示令僕訖乃付令史書之不好令史坐之魏氏春

來臺郎統之令史不能知書之帝疑其所用非次怒詰之

對曰某郡太守雖限滿文書先至年限在後日限在前

帝取前事視之乃釋冊府

袁侃歷選部郎中號為清平

蜀郎中有吏部憲選曹陳祇左選鄧良右選楊戲度支柳伸諸曹

餘無攷

吳郎中有選曹戶曹見虞翻餘無攷

諸曹典事第七品主書令史第八品又有主御覽引齊職

儀曰自魏晉宋齊正令史書令史皆有品秩朱衣執版

進賢一梁冠

通典云魏以來凡吏部官屬悉高於諸曹其選舉尚

書主之按六典云魏晉用人妙于時選其又云尚書

屬或有郎中或有侍郎或曰尚書郎或曰某曹郎或

兩置或互名稱號不同其職一也通典漢凡諸郎皆

侍御之故通謂之侍郎所言郎官上應列宿蓋謂三

署郎非尚書郎按自漢以來曹郎並有杖罰魏略言



韓宣為尚書郎當受罰已縛束竟杖未行文帝原之  
晉太康起居注言王冲雖在清途未免楚撻三國典  
略言齊皇甫亮三日不上  
杖脛三十是六朝猶然

中書監中書令第三品按六魏武始置祕書令丞典

尚書奏事文帝改祕書令為中書令又置監並掌機密

謂之中書省通典若密詔下州郡及邊將不由尚書六典

要略初學記云自魏詔誥皆中書令中書侍郎掌之又置通事郎掌詔草次黃門

郎黃門郎已署事過通事乃署名已署奉以入為帝省

讀書可後改為中書侍郎通典第五品亦稱中書郎北

會兼中書侍郎掌書疏表檄蜀有中書郎亮傳注湯云

準漢置中書令吳有中書令僕射韋曜傳為中書僕射職省

傳呂壹為中書郎校事耳諸葛恪傳歸府召中書令

蓋官中書郎而任校事耳孫吳麻曰亮數出中

孫嘿厲聲曰卿等何敢妄數作詔吳錄曰紀陟父亮

書視孫權舊事問左右侍臣先帝數有特制今大將軍

問事但令我書可邪時專政吳錄曰紀陟父亮

為尚書令而陟為中書令每朝會詔以屏風隔其座丞

侍郎及宜詔郎孫登傳注引吳書御覽引要

中書通事舍人第七品通典江左乃合之晉志宋志

皆云晉置洪表據初學記作中書通事一人掌呈奏

魏明時有通事劉泰高貴鄉公改作通事都尉尋又

改通事侍郎晉書衛瓘傳魏法嚴苛自請為通事郎

轉中書郎又荀勗傳守中書監門下啟通事令史為

舍人對掌文法又據南史倭倭傳序江左以後舍人

亦稱通事劉放傳年老遜位以列侯朝朔望位特

三國會要

卷九

職官

三



進注引孫資別傳詔君養疾於第置舍人官騎加以  
 日秩肴酒之膳初學記引要略云舍人掌宮中之  
 政出廩分財著作郎晉起居注著作掌之魏佐郎第  
 或吳制如此著作郎百晉起居注著作掌之魏佐郎第  
 品唐六典注引咸熙百掌修國史明帝太和始置  
 官名有著作佐郎三人掌修國史明帝太和始置  
 隸中書省或為兼官衛覬以尚書王沈應吳置左右  
 國史韋曜以侍中領左國史華覈以東觀領右國史  
 薛綜傳右國史華覈上疏曰大皇帝末年命太史令  
 丁孚郎中頃峻始撰吳書少帝時更差韋曜周昭薛  
 瑩梁廣及臣五人訪求往事所共撰立史東觀令及  
 通則云後曜獨終其書定為五十五卷  
 左右丞周處為左丞見晉書據國山碑云中書東觀  
 今按碑言闔立東觀口紀實言建設墳典似此官孫  
 皓時始立又天發神讖碑稱蘭臺東觀令孫皓傳言

東觀案圖則掌  
 秘書疑通職也

主書令史

魏第八品又有  
 主圖主譜令史

書

秘書監

第三品

武帝初置秘書典尚書奏事兼掌圖書祕

記文帝改為監掌藝文圖籍初屬少府及王肅為監乃

不復屬

六典通典蘭臺亦藏書籍御史  
 掌之王象受詔撰皇覽領祕書監

有左右丞

文帝欲以何楨為祕書丞而祕書本有丞乃以為右

丞遂有二丞

虞預  
 晉書祕書郎第六品六典丞郎秩四百石  
 書鈔引太康起居注云四人

掌中外三閣經書亦武帝置

唐六典注引魏甲辰儀  
 云秘書令史品第八

書郎

第八品又有主書  
 主圖主譜令史

蜀有祕書令六百石或以他官領之

季漢輔臣贊注步  
 兵校尉習隆掌校



秘有郎及令史郤正以吏轉為令史遷郎至今吳有秘府郎

崇文觀魏青龍四年置以王肅為祭酒由秘書監兼徵善屬

文者以充之員無攷洪表在殿中監後今以類附此

魏略薛夏為祕書丞太和中嘗以公事移蘭臺蘭臺

自以臺也而祕書署耳謂夏為不得移夏報曰蘭臺

為外臺祕書為內閣臺閣一也何不相移之有蘭臺

屈無以折自是遂以為常

魚豢典略曰芸臺香辟紙魚蠹故藏書臺稱芸臺

王肅表曰祕書丞郎俱四百石遷宜比尚書郎出亦

宜為郡又曰祕書丞郎與博士議郎同職近日月宜

在三臺上又曰祕書丞郎宜比尚書郎侍御史今尚

書郎侍御史乘犢車奏事用尺一祕書丞郎乘鹿車

猶用尺奏不得朝服恐非陛下轉侍郎為祕書丞郎

之本意也御覽據此則奏章制度不同

任嘏別傳曰文帝時為黃門侍郎每納忠言手書懷

本自在禁省歸書不封帝嘉其淑慎著書三十八篇

凡四萬餘言嘏卒後故吏錄其事行及所著書奏之

詔下祕書以貫羣言



魏武帝使中軍司荀攸典刑獄明帝猶以付內常侍明帝時唯有通事劉泰等官不過與殿中同號耳

荀勗傳

荀氏家傳曰荀顗為司空文帝議復五等表魏朝使定禮儀書成藏於祕府

鄭默起家祕書郎考覈舊文刪省浮穢著魏中經中書令虞松謂曰而今而後朱紫別矣轉尚書考功郎

白帖引王隱晉書

韋曜傳為博士祭酒命依劉向故事校定眾書又作

洞紀官職訓及辨釋名各一表列狀乞上言祕府於

外科取呈內以聞

晉書傅元傳與東海繆施俱以時譽選入著作撰集魏書

又按陳壽傳仕蜀為觀閣令史是蜀亦置東觀及祕閣

華陽國志有東觀祕書郎王崇蜀時東觀郎

魏史 史通外篇曰黃初太和中始命衛覬繆襲草創紀傳又命韋誕應璩王沈阮籍孫該傅元等復其



撰定其後王沈獨就其業勒成四十卷

太后三卿衛尉少府太僕漢隨太后宮為號在正卿上

魏改在九卿下文帝尊母卞后為皇太后稱永壽宮

少府毛宗見文帝紀注明帝尊母郭后為皇太后稱永安宮

蘇林見顏師古漢書敘例齊王芳尊母郭后為皇太后

稱永甯宮永安太僕嚴幹見魏略齊王芳尊母郭后為皇太后

有永甯衛尉孟觀見管甯傳又嘉平六年紀注

晉書楊后傳有司奏依漢故事皇后太子各食湯沐

邑四十縣帝以非古典不許據此知魏時無食邑也

蜀後主尊母穆皇后為太后稱長樂宮

吳孫皓尊母為皇太后稱升平宮

大長秋一人第三品丞一人第七品蜀同

太子太傅少傅第三品太子於二傅執弟子禮皆為書不

曰令少傅稱臣太傅不稱臣

太子不稱臣朔望不朝二傅與尚書東曹並選太子諸侯官屬

夔明帝後久曠東宮官司不具

時僅見舍人一人又高貴鄉公為太子

舍人成濟所弒宋志魏世無東宮

職官



詹事通典魏置領東宮眾務第七品有丞御覽引應

二千石不當在第七品家令職如司農少府通典

齊職儀六典皆品第三家令自漢至晉家令在率更

下宋則率更令主庶子舍人更直職如光祿按六典

八年詔太子率更僕進品第五秩與中庶子左僕

右衛率同職據此則晉武始進五品也六典同僕

太僕是為太子三卿中庶子五人職中庶子三署郎如

皆第五品並有丞士侍講冊府元龜門大夫將二人

衛率六典主門衛士侍講冊府元龜門大夫將二人

常從一虎賁督司馬督冊府元龜門大夫將二人

令洗馬十六人廐長舍人無員更直宿衛東宮

摘句郎冊府太祖置第掌固按漢稱主事侯郎皆

九品員文學太祖置員

蜀先主以諸葛亮為太子太傅後主傳注引魏略裴松

亮集亮不為有中庶子七庶子羅洗馬舍人董

華陽國志延熙元年立太子慎選名宿以為官僚

後主為太子從僕射尹默受左氏傳

吳有太子太傅少傅黃龍元年置左輔諸葛右弼張

正顧翼正等都尉為太子四友孫登傳晉書謝沈又

有太子賓客及率更令程秉傳中庶子庶子輔義都尉

赤烏五年右部督呂據又黃龍元年詔立都講祭酒以教



學諸子

孫登傳曰中庶子官最親密切問近對宜用雋德後  
又以庶子禮拘復令整巾侍坐

晉明帝詔云漢魏以來尊崇儲貳使官屬稱臣朝臣  
咸拜甚無謂也

每月朔太傅入見太子太子正法服而禮焉他日無  
會儀夔遷太僕太子欲與辭宿戒供夔無往意乃與  
書請之夔以國有常制遂不往

何夔傳

唐永淳元年立皇太孫王方慶曰漢魏以來皇太子

在不立太孫

六典注魏置太子文學命司馬懿爲文學掾甚爲世  
子所信與陳羣吳質朱鑠號爲四友

文帝在東宮太祖曰荀公達人之師表當盡禮敬太  
子獨拜牀下







領護各領營兵有長史司馬第七品

領護皆金章紫綬通考中書領軍游擊皆玉佩御覽

蜀有中領軍領軍前領軍行領軍中護軍前後左右護

軍免李平文護軍行護軍 又有中監軍關興為侍中中監軍前監軍

王右監軍姜維中典軍上官雝後典軍王平通鑑注曰

之任蜀置前後中監軍位三軍師之下按當有中前後

也序

吳有領軍將軍左右領軍亦置中左右護軍護軍又有

中左右三典軍左典軍萬或勸立孫皓餘止稱典軍張休以羽林都督平

三典軍事

武衛將軍第四品魏武初置武衛中郎將文帝改 吳有

中壘將軍第四品並掌宿衛兵晉宣帝紀云正始六年曹爽毀中壘中堅營以兵屬

其弟中領軍羲是魏初有中壘也

屯騎步兵越騎長水射聲五校尉第四品謂之五營有司

馬功曹主簿按文欽太和中蜀同為長水參軍 吳同

驃騎車騎衛將軍第二品魚豢曰魏世驃騎車騎將軍為

都督儀與四征同若不為都督雖持節屬四征者與前

後左右雜號將軍同其或散還自從文官之例則位次



三司宋志有長史司馬等官開府則置東西閣祭酒掾屬

通鑑注云魏制大將軍不開府者品秩第二祿與特進

同晉書孫楚傳初參軍不敬府主楚參石苞驃騎軍事

初至長揖遂制施敬蜀同景曜初復有右驃騎將軍胡濟左右車騎

將軍張翼吳同胡綜傳權為討虜將軍以為金曹從事

曹吾粲傳孫河為將軍得自選長史孫韶傳天璽元年

徵楷為宮下鎮驃騎將軍樓元傳為宮下鎮禁中候主

衛蓋一時之制撫軍大將軍第二品黃初五年置晉紀引文帝詔曰吾東

軍當總蜀有撫軍將軍蔣琬以丞相吳同中軍黃初三年置曹真由上軍同年鎮軍六年輔國咸

年南中呂興以吳將諸大將軍第二品皆不常設有官屬

唐六典引魏甲辰令諸大將軍皆不常設有官屬

蜀有鎮軍大將軍宗輔國大將軍董吳亦有之

征東統青兗徐揚征南統荆豫二州或但督荆征西統

涼二州征北統幽冀并三州或督河四將軍魏畧秩第二

屯長安北屯薊州見杜恕傳

品皆魏武置黃初中位次三公資深者為大將軍通典

者始日方面又引詔帶金紫洪曰

傳或云三征征北不常置故也

魏畧舊四征皆有官厨財籍遷轉之際無不因緣田

豫賜絹五百匹以其半藏小府滿寵為征東有留府

史長



蜀吳皆有征南征西征北而不見征東

鎮東鎮南鎮西鎮北將軍第二品位次四征領兵魚豢曰

黃初太和中置曹爽傳注時冀州統屬鎮北征鎮每不並置資深者

為大將軍蜀同或稱大吳亦有之

安東安南安西安北將軍第三品魚豢曰黃初太和中置

蜀有安南馬忠鎮南中吳有安東安南呂岱陸允由交州刺史加安北

譚正見王基傳

平東平南平西平北將軍第三品宋志魏世置蜀有平

西平北馬超傳吳有平南平西施洪見晉書平北

前後左右將軍官品失記後漢省魏復置宋志通典蜀同免李平公

文以前左右後為次吳亦有之

諸征鎮安平將軍第三品通典

魏有征蜀征虜鎮軍鎮護安眾安夷此二見上尊號碑安遠

平寇平虜平狄見橫海將軍呂君碑平難等號又有輔國虎牙

輕車冠軍渡遼並見上尊號碑橫海呂由平狄遷洪列第五品非等號皆

置官屬蜀有征虜鎮軍趙雲自鎮東貶鎮軍鎮遠安遠輔國

吳有征虜鎮軍平虜虎牙冠軍

中堅將軍第四品官屬有長史司馬正行參軍並第八品



驍騎游擊將軍第四品 魏置為中軍宋志云有營兵 吳有

游擊將軍見晉書 王濬傳

魏官品有北軍中候及丞又有南北軍監攷晉書泰

始三年罷中軍將軍置北軍中候宋志亦云晉武帝

置然張郃傳明帝遣南北軍士三萬及武衛虎賁衛

郃則亦有南北軍通考云魏制畧如 東漢南北軍如故

左軍將軍第四品 明帝置魏官品有前軍右軍後軍三將 軍晉志云武帝初置前軍右軍

泰始八年置後 軍是為四軍 又有建威建武振威振武奮威奮武揚威宋志揚武廣

威廣武甯朔見晉琅琊王仲傳李 熹傳為甯北軍司 左右積射強弩等

號四品將軍各有長史司馬正行參軍並第八品 蜀有

振威奮威揚威揚武吳有建威建武振威奮威奮武

揚威揚武

諸雜號五品將軍有鷹揚折衝虎烈宣威威遠甯遠伏

波虎威凌江盪寇昭武昭烈昭德討逆破虜討寇宣德

威虜捕虜殄吳殄夷揚烈建忠立義懷集橫野樓船復

明帝紀注 蓋作陵置 忠義建節翼衛討夷懷遠綏邊此六官見 上尊號碑

等號有長史司馬第八品



洪表又列雜號將軍云蓋將軍之無名號者按官品云諸雜號宣威將軍以下皆第五品續漢志及通典凡樓船等皆稱雜號洪引張特為據然魏畧言張特加雜號將軍封侯雜號不言某官猶列侯不言某侯耳吳顧譚傳言休承並為雜號將軍緒端偏裨而已疑亦畧之非官名也表又列牙門將軍據通典黃初中置第五品按通典云牙門將軍冠服與將軍同列傳但稱牙門吳志稱牙門將惟蜀志趙雲魏延稱牙門將

蜀有輔漢安漢班在軍師 盪寇討逆討寇討虜昭德昭

文秉忠建義奉義忠節建信軍師執慎撫戎綏武翊武

興業副軍翊軍輔軍綏軍牙門蜀吳將軍品秩無攷姑以類記 吳有輔

吳班亞三司 安國朱治加金 威遠晉周訪傳 綏遠盪魏

平魏折衝伏波虎威盪寇昭武輔義扶義橫江綏南撫

邊撫夷撫越威南威北威武威烈厲武平戎滅寇

偏將軍裨將軍洪列第五品 部曲將咸熙元年詔 蜀吳皆有之

東西南北中郎將第四品按續志注漢末有四中郎將帥師征伐魏時蔣濟出為東中郎將

桓範為東中郎將都督青徐諸軍事曹植為南中郎將救曹仁張瓌為西中郎將涼州刺史見張猛龍碑李膺為西中郎將伐蜀見晉書曹彰為北中郎將伐烏丸蜀有南中郎參軍楊戲

又有振威建義奉義平虜典軍晉書 撫軍同上 武衛司金

太祖置司律典樂 護匈奴太和五年置主護南單于或并州刺史兼之 率善

以官等中郎將官品不載 冠如將軍白帟引魏晉官品

降夷等中郎將袁紹檄文有發邱中



郎將疑非實事

蜀有掌軍奉車軍議軍師翰林副軍篤信武畧昭武綏

南武威周廣業云昭烈置中郎將

吳有征虜督軍撫軍輔軍安軍昭武建威蕩寇輔義立

信見國碑司直主彈劾天紀元年注建忠立節昭信昭義揚武定武

奮武立武建武威武折衝威寇安東征南橫野武鋒討

越司市

校尉魏有戊己第四品黃初三年西域內附因置治高昌平虜牽招將兵督

軍討寇樂進洪無建忠帶方郡見倭人傳洪無護羌有長史見曹真碑護東羌

烏丸護鮮卑水經注牽招屯昌平西域西戎袁紹檄有摸金校尉

千人督洪云諸傳但稱校尉者是

蜀有鹽府先主定益州置權鹽鐵見呂又傳王儒林典

學昭信主使宣信同上見晉書按巴郡太守樊敏碑建

尉是劉璋所授官名

吳有司鹽治海宣信忠義恭義建義輔義立信晉書正議

奮武建武立武武鋒武衛武猛奮威昭義安南平東滅

賊破賊威越定威折衝先登盪寇承烈督軍護軍贊軍

副軍參軍立節吳騫云周處碑父鮪立節校尉本傳作昭義天發神讖碑有西部校尉



都尉魏有撫軍

本校事官太祖置

司金

韓暨由監治謁者加曹真碑有

承積弩

後改典弩

典鎧

魏畧云屬積弩以上官品無

將兵陷陣忠義司鹽

司竹

並有監丞

蜀有綏戎

免李平文

五部都尉

華陽國志領夷兵

吳

有奉正仁義

晉書

立信輔義立義建忠立忠

見谷朗碑

興業安

民奉禁揚武建武衛平北破賊承烈樓下

典糶醕事

監軍

第四品無定員

諸州時或不置都督則置此官

諸傳言監某州軍事

將軍領兵出征者皆置監軍

持節假節或稱行監軍

蜀同或為

加官吳亦畧同與領兵督並置又有刺姦

周鮪傳屯臨虛損唯有刺

姦

裴注官名沈濤曰當是人姓名姓苑有察姓

安夷護軍治美陽撫夷護軍治雲陽皆典降氏

並第五品元和

郡縣志有

復有和戎

令狐愚為和戎護軍烏丸校尉

殄

虜

見鄧艾傳雜號護軍如將軍郭淮行征羌護軍夏候

諸要鎮及將軍領兵出征者皆置護軍

第六品無定員

蜀同

大都督

第一品不常置

魏加官假黃鉞則專戮節將

司馬懿

吳

亦有之

陸遜注云主上執鞭百僚屈膝

蜀無此號有中都護統內外軍

事

李嚴

復置行都護一人

蔣琬諸葛瞻

有參軍督軍吳有左右

都護

丁奉諸葛瑾

持節都督

第四品

太祖為丞相時有督軍後有都督

曹仁



七軍夏侯惇都督二十六軍黃初三年始置都督諸州軍事領刺史使持節為上節行都督軍持節次之假節為下節得殺二千石以下持節得殺無官位人有軍事則與使持節同假節唯有軍事得殺犯軍令者又有都督中外及懿師昭都督中軍宿衛禁兵許都督微道虎賁定都督水軍羣其在外者多以征鎮安平將軍及中郎將都督揚州一人甘露二年分置二都督又有都督荆豫一人後分置又都督江北都督江南皆屬征南都督雍涼一人後分置又都督冀幽并三州軍事屬征北其曹仁都督荆揚益州王基非常制也

有護軍第五品南中都督護蜀有督中外軍

事維姜邊郡皆置都督領兵屯守有漢中都督關中都督名巴東都督康降都督及副貳又張吳於瀕江及要地飛傳有營都督鄧芝傳有邱閣督吳於瀕江及要地皆置都督權輕者但稱督安督巴邱督信陵督夷道督蒲圻督武昌督武昌左右都督夏口督江陵督沔中督樂鄉督中夏督柴桑督半州督吉陽督徐陵督濡須督蕪湖督牛渚督扶州督皖口督吳郡督虎林督左督其三郡督廣州都督交州都督又備海督見何姬傳注其領營兵者亦稱督有無難督右部督馬閑右部督水軍督又有中軍督前部督右部督左部督親近監魏有驕督營下督升城督蜀有無當監吳有親近監魏有驕督副督部曲督帳下督新附督

雜錄



徐宣傳車駕幸許昌總統留事帝還主者奏呈文書  
詔曰吾省與僕射何異竟不視

吳甘露元年徙都武昌御史大夫丁固右將軍諸葛

靚留鎮建業 寶鼎元年還都建業衛將軍滕牧留

鎮武昌滕胤傳為都下督掌統留事

時諸葛恪出征

江表傳呂範曰聞綱紀猶不整願暫領都督佐將軍  
部分之策曰豈宜復屈小職知軍中細碎事乎範出

便釋講著袴褶執鞭詣閣啟事策乃授傳委以眾事

袁準曰今軍政之法斬一牙門將者封侯

羣書治要袁子正書

華陽國志常勛為督軍治訟平當選孝廉

張翼傳為庾隆都督被徵當還羣下以為宜馳騎即

罪曰不然吾以蠻夷蠢動不稱職故耳然代人未至

方臨戰場當運糧積穀為滅賊資豈以黜退而廢公

家之務乎於是統攝不懈代到乃發

魏畧桓範為使持節都督青徐諸軍事與徐州刺史

鄭歧爭屋引節欲斬歧

廖立傳陛下即位普增職號立隨比

即例

為將軍面語

臣曰我何宜在諸將軍不表我為卿止當在五校臣



荅將軍者隨大比耳至於卿者正方亦未為卿也且

宜處五校

司隸校尉第三品掌察舉百官及京師近郡犯法者并領

司州漢獻帝以司隸校尉所掌置司州先治宏農後治洛陽通典魏制其於端門外在諸卿上絕席其入

殿按本秩在諸卿下不絕席有參軍都官從事功曹從事諸曹從事

部郡從事武猛從事督軍從事主簿錄事門下書佐省

事記室書佐諸曹書佐等員

蜀司隸如漢制督察京輦不典益州事 吳無

州置刺史六百石第五品稱單車刺史或置牧二千石魏十三州刺史

巡行所部郡國錄囚徒考殿最每歲遣計吏詣京都奏

事緣邊諸州刺史與領兵都督並置其充豫青并諸州

或但置刺史其梁益諸州不入版圖者亦置刺史遙領

之州郡領兵司馬朗議南齊書志云州牧督軍起于魏武有治中從事別駕從事

功曹從事簿曹從事兵曹從事郡國從事文學從事武

猛從事主簿門亭長諸曹書佐計吏按尚有督郵醫曹帳下都督冊府云

吏一人 大中正一人

蜀於益州或置牧諸葛以丞相領或置刺史又設庾降都督建

興七年與吳約分天下充冀并涼屬蜀故置刺史遙領



之李恢前領交州時荆雍二州亦時置刺史吳懿領其

益州吏職有治中從事別駕從事功曹從事議曹從事

勸學從事典學從事部郡從事督軍從事從事中郎從事祭酒或但

稱從事行前後左右部司馬主簿書佐

吳得揚荆交廣四州或置牧或置刺史黃龍元年與蜀

約分天下豫青徐幽屬吳亦置刺史遙領之時領兖州牧朱然領

冀州牧步騭以地屬蜀解牧職乃孫皓其州職可攷者

有部郡從事師友從事餘無亦置大中正洪據襄陽記

之州都按谷朗碑由郡中正遷大中正則公平州都皆非本名可知

河南尹第三品主京都有丞及廩犧令丞主供祭祀洛陽市長

及丞吏七百人有五官掾功曹史

郡置太守第五品魏制太守領兵加將軍名號有丞第八品邊郡丞為長史

中正一人都尉一人第五品大郡或二人分東西部或南北部司

馬一人第八品徐州置淮海津都尉晉志淮津都尉在安豐有部民敦煌

置宜禾伊吾都尉並第八品曹真碑有玉又有功曹掾

五官掾上計掾門下掾文學掾文學祭酒鄧艾為都尉學士督

郵主簿主記門下書佐綱紀循行幹鈴下伍伯多者二

百餘人諸曹掾史京兆尹太守都尉略同帶方有塞曹掾泰山有督軍



蜀置太守都尉犍為有屬國都尉犍柯置五部都尉華陽

志國陰平置關都尉巴東置江關都尉初學其郡吏可攷

者有功曹掾史五官掾師友祭酒督軍從事門下書佐

主簿

吳亦置太守都尉或分有功曹掾門下書佐門下循行

縣大者置令千石第六品丞一人四百石第八品其次六

百石第七品丞尉各一人第九品小者置長三百石第八品其鄉置

有秩三老百石第八品小者置有秩嗇夫亦百石第九品

志得假半章印諸曹掾史略如郡制有校官掾師友祭酒決疑

祭酒袁渙傳注

鄴有市長農司馬晉書石苞傳或有鐵官蜀有工官堰

官柑官橘官

王國各置相第五品其職如郡守都尉洪有按通典無傅保友並第六品長史

見曹真碑郎中令中尉大農並第七品常侍侍郎無員家令諸雜署

令並第八品謁者大夫諸雜署丞第九品王太妃有家令第八品

品並第九品僕丞並第九品

公國如王國其山陽公國置督軍一人晉泰始二年始罷除其禁令

候國置相三百石第八品職如縣令家令家丞傅監國謁者庶子文



學品秩  
未詳

雜錄

建安二十年始置名號侯至五大夫與舊列侯關內侯  
凡六等以賞軍功

黃初三年初制封王之庶子為鄉公嗣王庶子為鄉侯  
公之庶子為亭伯其後定制凡國王公侯伯子男六等  
次縣侯鄉侯亭侯關內侯凡九等又置名號侯爵十八  
級關中侯爵十七級皆金印紫綬關外侯爵十六級銅  
印龜紐墨綬五大夫十五級銅印環紐墨綬自關內侯

皆不食租虛封爵自此始

通典

玉海引理道要訣言魏十等封以鄉侯為第八通典  
言九等者除王不數也其名號侯等魏武所制而曰  
又置亦誤目知錄云都鄉侯在列侯下關內侯上按  
都鄉侯都亭侯仍即鄉亭侯故九等爵無此二名  
又云都亭者城內亭也都鄉即今之坊廂亦非都鄉  
言鄉當是附城近地如集古錄載宗慤母墓誌云窆  
于秣陵縣都鄉石泉里必非城內可知梁冀得罪徙  
封比景都鄉侯是日南比景縣之鄉諸傳不言縣  
名者略也俞正燮言有列侯在關內侯上尤誤蓋時  
制以亭侯以上九等為列侯史凡言封列侯者文略  
或失其地也關內侯亦有食邑  
如夏侯惇曹真王基等傳是也

魏志咸熙元年相國晉王奏建五等諸公地方七十五  
里邑一千八百戶置相一人典祠典書典衛典禮各一



人妾六人車前司馬十人旅賁四十人諸侯地方七十  
 里邑千六百戶官屬同公妾五人司馬八人旅賁三十  
 六人諸伯地方六十里邑千二百戶妾四人司馬八人  
 旅賁二十八人諸子地方五十里邑八百戶相一人典  
 祠令典書丞典衛丞各一人妾三人司馬四人旅賁二  
 十人諸男地方三十五里邑四百戶相一人典祠長典  
 書丞各一人妾二人司馬二人旅賁十二人次國男地  
 方二十里邑二百戶侯爵外皆不見史惟晉書司馬洪魏封襄賁男  
 唐六典曰魏氏五等皆以鄉亭多假空名不食本邑

魏略賈洪為白馬王相王彪雅好文學常師宗之過於

三卿

魏以六卿隨書察員吏二千石以下令員吏對

陳羣王國相不應為國王服議云近防輔小吏尚不稱

臣與王於天子同臣也

通典

魏晉刺史任重者為使持節都督輕者為持節皆銅印

墨綬進賢兩梁冠絳朝服領兵者武冠庶姓為州而無

將軍者謂之單車刺史加督則進一品都督進二品不

論持節假節通典

牽招傳護烏丸校尉田豫出塞為軻比能所圍於故馬



邑城移招求救招整勒兵馬欲赴救豫并州以常憲禁招招以為節將見圍不可拘于吏議自表輒行招時為雁門太守豫蓋

守豫蓋持節

滿寵傳孫布詐降揚州刺史王凌請兵迎之滿奮不與

時為征東將軍

被書入朝敕留府長史勿與兵凌索不得乃遣

一督將七百人往迎之

此可見方鎮統州主兵之制

賈逵傳時天下初復州郡多不攝逵曰州本以御史出監諸郡以六條詔書察長吏二千石以下今長吏慢法盜賊公行州知而不糾天下復何取正乎其二千石以

下不如法者皆奏免之

陳壽評曰自漢季以來刺史總統諸郡賦政于外非若曩時司

察之而已

李通傳通妻伯父犯法朗陵長趙儼收治致之大辟是

時殺生之柄決於牧守

杜恕傳以為刺史奉宣六條可勿使領兵以專民事上

疏曰州郡牧守忽恤民之術脩將率之事農桑之民競

干戈之業不可謂務本今荆揚青徐幽并雍涼緣邊諸

州皆有兵矣所恃內充府庫外制四夷者惟充豫司冀

而已臣前以州郡典兵則專心軍功不勤民事宜別置



將守以盡治理之務

劉毅辟司隸都官從事京邑肅然毅將彈河南尹司隸

不許投傳而去

晉書

魏略張時故任京兆杜畿迎司隸與時會華陰

時畿為河東太守

時畿相見於儀當各持版時歎曰昨日功曹今為郡

將軍也

又京兆虎牙都尉入門不持版為功曹所呵

魏略宏農郡領吏二百餘人涉春遣休常四分遣一

孟康出案行豫敕督郵平水不得令屬官遣人探候修

設曲敬不止亭傳露宿樹下所從常不過十餘人郡帶

道路諸過賓客自非公法無所出給

李憲為并州別駕驍騎將軍秦朗過州州將畢軌敬焉

令乘車至閣

高堂隆傳泰山太守薛悌命為督郵郡督軍與悌爭論

名悌而呵之隆按劔叱督軍曰臨臣名君義之所討督

軍失色悌驚起止之

賈逵傳後發兵逵疑屯田都尉藏亾民都尉自以不屬

郡言語不順逵怒收之

注作典農校尉

王觀傳為涿郡太守明帝詔使郡縣條為劇中平若郡



為外劇有任子遂送任子詣鄴  
孫禮傳清河平原爭界禮曰當以烈祖初封平原時圖  
決之

劉廙別傳以為長吏皆宜使少久足使自展歲課之能  
三年總計乃加黜陟課之皆當以事不得依名事者皆  
以戶口率其墾田之多少及盜賊發興民之凶叛者為  
得負之計如此行之則無能之吏修名無益

魏書穀熟長呂岐善朱淵袁津遣使行學還召用之署  
淵師友祭酒津決疑祭酒淵等歸家不受署岐大怒皆

杖殺之袁渙梁相教勿劾

魏略詔徵河東太守王邑邑不願徵郡掾衛固及中郎

范先等各詣繇求鍾繇時為司隸校尉而詔已拜畿為太守已入

界繇促邑交符邑佩印綬徑詣許自歸

晉書宣帝紀申儀久在魏興太守專威疆場輒承制刻印

多所假授

荀勗傳太和中遣王人四出減天下吏員正始中并合

郡縣

王隱晉書王裒門人為縣所役步擔乾飯安邱令以為



見已出迎于門哀乃下道至土牛磬折而立云門生為縣所役故來送別令即放遣諸生

魏略楊沛身退之後占河南夕陽亭部荒田二頃起瓜牛廬居止其中

張既世單家富念無以自達為郡門小吏常畜好刀筆及版奏伺諸大吏乏輒與

賈逵傳豫州吏民思之刻石立祠青龍中帝東征乘輦入祠詔曰昨見賈逵碑像念之愴然布告天下以勸將來

魏略甘露二年東征復入逵祠下詔修治

華陽國志時州將董軍政置從事職典刑獄

吳錄苞咸為主簿太守行春留咸守郡會稽典錄魏朗從太守行春由

書佐轉功曹又正旦掾史上朝功曹史顧翕披裘以加朝服朗以裘非臣服不敬敕卒撤去王粲務本論曰末世之吏負青幡而布春有勸農之名無賞罰之實

孟仁為鹽池司馬作鮓寄母遷吳令時皆不得將家之官每得時物來以寄母按仁先為軍吏將母在營此又一時之制

朱治傳公族子弟及吳四姓多出仕郡郡吏常千數治率數年一遣詣王府所遣數百人每歲時獻御權報答

過厚步騭傳諸縣並有備吏吏多民煩俗以之敝



凌統傳過本縣步入寺門見長吏懷三版恭敬盡禮魏名

臣奏云今吏初除有三通爵里刺條疏行狀

陸凱傳先帝時居官者咸久于其位然後考校黜陟今

州郡職司或蒞政無幾便徵召遷轉迎新送舊紛紜道

路傷財害民

周瑜傳拜偏將軍領南郡太守以下雋漢昌劉陽州陵

為奉邑

按吳志將軍中郎將校尉太守等每有奉邑而周泰補春穀長宜春長所在皆食其征賦似異也

魏封爵

張燕河北賊以助軍拜平北將軍封安國亭侯邑五百

戶卒子方嗣卒子融嗣

公孫康父度漢末據遼東康以斬袁尙功封襄平侯子

淵嗣明帝時進封樂浪公景初元年拒命司馬懿誅之

張繡濟族子屯宛歸降封宣威侯以軍功增邑至二千

戶卒子泉嗣坐反誅國除繡傳言時戶口減耗十裁一在諸將封未有滿千戶者而

繡特多也

張魯據漢中降封閬中侯邑萬戶又封其五子皆列侯

卒子富嗣



閻圃隨魯降封列侯

魏略曰黃初中增圃爵邑在禮請中

夏侯惇封高鄉侯增邑至二千五百戶卒諡忠侯子充

嗣卒子廙嗣惇弟廉子楙自封列侯

文帝分惇邑千戶賜惇七子二孫爵

皆關內侯

韓浩中護軍封侯卒無子以養子榮嗣

史渙中領軍以忠勇掌禁兵封列侯卒子靜嗣

夏侯淵封博昌亭侯增邑至八百戶戰死漢中諡愍侯

子衡嗣卒子績嗣卒子襲嗣

夏侯尚封昌陵鄉侯卒諡悼侯子玄嗣為司馬師所殺

文帝分尚戶三百賜尚弟子奉爵關內侯正元中紹封從孫本為昌陵侯邑三百戶

荀彧封萬歲亭侯增邑至二千戶卒諡敬侯子惲嗣卒

子翹嗣進廣揚鄉侯卒子頽嗣

或兄衍封列侯

荀攸封陵樹亭侯增邑至七百戶卒追諡敬侯子適嗣

無子絕黃初中紹封攸孫彪邑三百戶

轉封邱陽亭侯

賈詡封魏壽鄉侯增邑至八百戶卒諡肅侯子穆嗣分

邑二百封詡小子訪列侯穆卒子模嗣

何夔封成陽亭侯邑三百戶卒諡靖侯子曾嗣

鍾繇封定陵侯增邑至千八百戶諡成侯子毓嗣文帝



分毓戶封繇弟演及子劭孫豫為列侯

華歆封博平侯邑千三百戶卒諡敬侯子表嗣文帝分

歆戶封弟緝為列侯

王朗封蘭陵侯邑千二百戶卒諡成侯子肅嗣文帝分

朗邑封兄子詳為列侯

程昱封安鄉侯邑八百戶卒諡肅侯子武嗣

郭嘉封洧陽亭侯增邑至千戶諡貞侯子奕嗣

董昭封樂平侯邑千戶諡定侯子胄嗣

劉曄封東亭侯邑三百戶諡景侯子寓嗣

蔣濟封昌陵亭侯諡景子秀嗣

劉放封方城侯邑千一百戶諡敬子正嗣

孫資封中都侯邑千戶諡貞子宏嗣

劉靖封廣陵亭侯邑三百戶諡景子熙嗣

司馬遺以父朗有功封昌武亭侯邑百戶

梁習封申門亭侯邑百戶子施嗣

張既封西鄉侯邑四百戶諡肅子緝嗣為司馬師所殺

賈逵封陽里亭侯邑四百戶諡肅子充嗣

任峻封都亭侯邑三百戶諡成子先嗣



蘇則封都亭侯謚剛子怡嗣卒弟愉嗣

杜畿封豐樂亭侯邑百戶謚戴子恕嗣

張遼封晉陽侯增邑至二千六百戶謚剛子虎嗣

樂進封廣昌亭侯增至千二百戶謚威子緜嗣

于禁封益壽亭侯增邑至千二百戶謚厲子圭嗣

張郃封鄭侯增邑四千三百戶謚壯子雄嗣明帝分封

郃四子列侯

徐晃封陽平侯增邑三千一百戶謚壯子蓋嗣明帝分

封晃子孫二人列侯

李典封都亭侯邑三百戶謚愍子禎嗣

李通封都亭侯邑四百戶謚剛子基嗣

臧霸封都亭侯進良城侯增邑至三千五百戶謚威子

艾嗣 又分封三子列侯

文聘封新野侯增邑至千九百戶謚壯子休嗣

呂虔封益壽亭侯增至六百戶徙封萬子翻嗣

許褚以功進封牟鄉侯邑七百戶謚壯子儀嗣

吳質封列侯謚醜正元中改謚威

龐德封關門亭侯戰死謚壯封其二子為列侯



衛覬封陽吉亭侯增邑至三百戶謚敬子瓘嗣

傅嘏封陽鄉侯增邑至千二百戶謚元子祗嗣

桓階封安樂鄉侯邑六百戶謚貞子嘉嗣

陳羣封昌武亭侯進潁陰侯增邑至千三百戶謚靖子

泰嗣以功增邑二千六百戶謚穆子恂嗣

陳矯封東鄉侯邑六百戶謚貞子本嗣

徐宣封津陽亭侯邑二百戶謚貞子欽嗣

衛臻封安國侯進長垣侯邑千戶謚敬子烈嗣

盧毓封高樂亭侯後封容城侯邑二千三百戶謚成孫

藩嗣

和洽封西陵鄉侯邑二百戶謚簡子禽注音離當作禽嗣

常林封高陽鄉侯卒謚貞子時嗣

杜襲封平陽鄉侯累封至五百五十戶謚定子會嗣

趙儼封都鄉侯邑六百戶謚穆子亭嗣

裴潛封清陽亭侯邑二百戶謚貞子秀嗣

韓暨封南鄉侯食邑二百戶謚恭子肇嗣

崔林以司空封安陽亭侯六百戶三公封侯自林始進封鄉侯

謚孝子述嗣



高柔封延壽亭侯進安國侯增至四千戶謚元孫渾嗣

孫禮以司空封大利亭侯邑百戶謚景孫元嗣

王觀封陽鄉侯增邑至二千五百戶謚肅子悝嗣

辛毗封潁鄉侯邑三百戶謚肅子傲嗣

景子偉嗣

田豫封長樂亭侯邑至五百戶子彭祖嗣

郭淮封射陽亭侯進陽曲侯邑二千七百八十戶分三百戶

封一子亭侯 謚貞子統嗣

徐邈封都亭侯邑三百戶謚穆子武嗣

胡質追封陽陵亭侯邑百戶謚貞子威嗣

王昶封京陵侯增邑至四千七百戶謚穆子渾嗣

王基封東武侯增邑至五千七百戶謚景子徽嗣早卒

咸熙中改封基孫虞而以東武餘邑賜一子爵關內侯

碑文稱東武侯今存 又基以叔父拊育上疏 求分戶二百賜叔父子喬爵關內侯詔特聽

母邱興封高陽鄉侯子儉嗣自以功進封安邑侯三千

九百戶以討司馬師兵敗死

王淩封南鄉侯邑千三百五十戶以謀立楚王彪為司



三國會要 卷一  
馬懿所殺

諸葛誕封高平侯邑三千五百戶為司馬昭所殺

鄧艾封城鄉侯增邑至六千六百戶以平蜀功增邑二

萬戶二子亭侯邑各千戶為鍾會所殺

鍾會封東武亭侯三百戶以平蜀功進縣侯增邑萬戶

封二子亭侯邑各千戶以反誅

郭修追封樂鄉侯邑千戶諡威

龐會臨渭亭侯進封鄉侯路蕃封亭侯

周浚封射陽侯晉書三百戶蘇千九編

夏侯和賈輔進爵鄉侯

呂名橫海將軍封西鄂都鄉侯食邑七百戶隸釋

楊秋黃初中封臨涇侯魏略

王珍以獲高幹功封侯典論

朱靈封高唐侯諡威徐晃傳注魏書

孫觀封呂都亭侯臧霸傳注

王象封列侯楊俊傳注

文欽封山桑侯母邱儉傳注

龐林封列侯龐統傳

職官

卷一

職官

三



申儀封真鄉侯劉封傳

黃權封育陽侯諡景子邕嗣

邢貞封高平侯孫權傳

全懌封臨湘侯全琮傳

凡侯食邑不滿萬戶不得作第其舍在里中不稱宅御覽

引魏王奏事又文選古詩注引云出不由里門面大道者名曰第列侯門施外內塾方三十畝御覽引魏武制奏事巖險之邑不以

封北堂書鈔引西漢書

蜀封爵

關羽封漢壽亭侯諡壯繆改諡忠義子興嗣卒子統嗣卒無

子以興庶子彝紹封

張飛封西鄉侯追諡桓子紹嗣

馬超封殽鄉侯追諡威子承嗣從弟岱封陳倉侯

申耽建安間封員鄉侯後降魏

劉豹建安間封陽泉侯

向舉建安間封青衣侯以上二人見勸進議

諸葛亮建興元年封武鄉侯卒諡忠武子瞻嗣

李嚴改名平封都鄉侯後坐罪廢



趙雲封永昌亭侯追謚順平子統嗣

魏延封南鄭侯後以反誅

劉珍封都鄉侯後以罪誅

王連封平陽亭侯卒子山嗣

向寵封都亭侯後為夷所害

費觀封都亭侯

李恢封漢興亭侯卒子遺嗣

呂凱封陽遷亭侯為夷所害子祥嗣

王伉陳到並封亭侯

史失地名

王伉陳到並封亭侯地名

許允封漢成亭侯卒子國嗣

李福封陽平亭侯卒子驥嗣

蔣琬封安陽亭侯卒謚恭子斌嗣

鄧芝封陽武亭侯卒子良嗣

高翔封元鄉侯卒子軌嗣

輔匡封中鄉侯

陳震封城陽亭侯卒子濟嗣

吳壹封濟陽侯卒子某嗣卒孫喬嗣

吳班封縣竹侯



馬岱封陳倉侯

袁綝封都亭侯

胡濟封咸陽亭侯殿本作成陽

王平封安漢侯卒子訓嗣

馬忠封彭鄉侯後卒子修嗣

向朗封顯明亭侯卒子條嗣

句扶封宕渠侯卒子安嗣降魏

劉敏封雲亭侯卒子顯嗣

費禕封成鄉侯為魏降人所害謚敬子承嗣

張翼封都亭侯卒子諱嗣卒以足疑翼爵卒後諡

董厥封南鄉侯卒子諱嗣卒

廖化封中鄉侯卒子諱嗣

姜維封平襄侯

張瑛以父疑死事封西鄉侯卒子諱嗣卒

吳封爵

士燮守交阯封龍編侯卒弟壹封都鄉侯後坐法誅

張昭封婁侯邑萬戶卒謚文子承別封以少子休嗣後

賜死昭弟子奮封樂鄉亭侯 承封都鄉侯卒謚定子



震嗣以諸葛恪外甥并誅

顧雍封醴陵侯卒謚肅子濟嗣無後以雍次子裕襲爵

諸葛瑾封宛陵侯卒子恪別封陽都侯以弟融襲爵後

坐恪誅

步騭封臨湘侯卒子協嗣卒子璣嗣協弟闡封西亭侯

後叛降魏被誅

周瑜子胤都鄉侯以罪廢

魯肅子淑封亭侯卒子睦嗣

呂蒙封孱陵侯卒子霸嗣卒以兄琮襲爵卒弟睦嗣

程普子咨封亭侯

韓當封石城侯卒子綜嗣後奔魏

蔣欽子壹封宣城侯無後

周泰封陵陽侯卒子邵嗣卒弟承襲爵

陳武子修封都亭侯庶子表襲爵進都鄉侯修子永將軍封侯

凌統子烈封亭侯有罪免弟封襲爵

徐盛封蕪湖侯卒子楷嗣

潘璋封溧陽侯



丁奉封安豐侯

朱治封鄣侯卒子才嗣卒子琬嗣

朱然本施氏治乞為子封當陽侯卒子績嗣復姓施氏

呂範封南昌侯卒子據嗣為孫緄所殺

朱桓封嘉興侯卒子異嗣為緄所殺

駱統封新陽亭侯

朱據封雲陽侯後賜死永安中以孫宣嗣

賀齊封山陰侯

陸遜封江陵侯卒追諡昭子抗嗣卒子晏嗣次子景毘

陵侯

全綜封錢塘侯又封一子亭侯卒子懌嗣後降魏小子吳封

都鄉侯

呂岱封番禺侯卒子凱嗣

鍾離牧封都鄉侯卒子禕嗣

潘濬封劉陽侯卒子翥嗣

陸凱封嘉興侯卒子禕嗣

陸胤封都亭侯卒子式嗣

是儀封都鄉侯



胡綜封鄉侯卒子冲嗣

滕胤封高密侯爲孫綝所殺

濮陽興封外黃侯後誅

韋曜封高陵亭侯孫皓時被誅

華覈封徐陵亭侯

谷利封都亭侯江表傳

沈珩封永安鄉侯吳書

孫邵北海人爲丞相封陽羨侯吳錄

張布封永康侯

董朝封鄉侯見孫休詔史失地名

張惇封都亭侯

紀孚封都亭侯

何定孫皓時賜爵列侯後誅江表傳

張俶封侯後伏誅同上

蔡欵封留侯吳錄

虞汜封餘姚侯會稽典錄

屈緒以父晃忠諫封東陽亭侯吳麻

馬茂由魏歸吳封侯謀叛誅







